

Broj: 01-01.3-4878-9/15 AZ
Datum: 28.10.2015. godine

Na osnovu člana 70. Zakona o javnim nabavkama ("Službeni glasnik BiH" broj 39/14), te člana 15. Pravilnika o javnim nabavkama JP "Autoceste FBiH" i preporuke Komisije za javne nabavke konstatirane u Zapisniku o pregledu i ocjeni inicijalne i konačne ponude broj: 01-01.3-4878-8/15 AZ od 27.10.2015. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU o izboru najpovoljnijeg ponuđača

I

Ugovor za nabavku usluga, u pregovaračkom postupku bez objave obavještenja o nabavci, "Redovno održavanje dizel električnih agregata i UPS uređaja" u vrijednosti od **107.693,95 KM** sa uračunatim PDV-om i odobrenim popustom od 2% dodjeljuje se ponuđaču "**Energoinvest – SUE**" d.d. Sarajevo koji je podnio prihvatljivu ponudu.

II

Ova odluka će, u skladu sa članom 70. stav (6) Zakona o javnim nabavkama, biti objavljena na internetskoj stranici JP „Autoceste FBiH“ d.o.o. Mostar www.jpautoceste.ba, i to istovremeno s upućivanjem Odluke ponuđaču koji je učestvovao u postupku nabavke.

O b r a z l o ž e n j e

JP „Autoceste FBiH“ d.o.o. Mostar je u skladu sa Odlukom o nabavci broj: 01-01.3-4878-8/15 AZ od 23.09.2015. godine pokrenulo pregovarački postupak bez objave obavještenja o nabavci u skladu sa članom 21. stav (c) Zakona o javnim nabavkama sa ponuđačem "Energoinvest – SUE" d.d. Sarajevo. U skladu sa članom 28. stav (4) Zakona o javnim nabavkama, ugovorni organ je objavio na svojoj internet stranici www.jpautoceste.ba Odluku o nabavci u pregovaračkom postupku bez objave obavještenja.

Ponuđač je do termina predviđenog za predaju ponuda dostavio svoju inicijalnu ponudu. Komisija za nabavke, imenovana rješenjem broj 01-01-3-4878-3/15 AZ od 15.10.2015. godine, je nakon pregleda i ocjene inicijalne ponude pozvala ponuđača na pregovore. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija je ocijenila da ponuda zadovoljava sve zadate kriterije u tenderskoj dokumentaciji, da je prihvatljiva za ugovorni organ i dala prijedlog ugovornom organu da ugovor za nabavku usluga: "Redovno održavanje dizel električnih agregata i UPS uređaja" u vrijednosti od 107.693,95 KM dodijeli ponuđaču "Energoinvest – SUE" d.d. Sarajevo jer je ponudio prihvatljivu ponudu.

Shodno navedenom ugovorni organ je prihvatio prijedlog Komisije i donio Odluku kao u dispozitivu.



Pouka o pravnom lijeku:

Protiv ove Odluke može se izjaviti žalba ugovornom organu, u roku od 10 dana od dane objave dobrovoljnog *ex ante* obavještenja o transparentnosti, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**Izvršni direktor
za upravljanje i održavanje:**

.....
Mirsad Nikšić, dipl.ing.maš.

Direktor:

.....
mr.isc. Ensad Karić



Broj: 01-01.3-4878-8/15 AZ
Datum: 27.10.2015. godine

U skladu sa članom 65. Zakona o javnim nabavkama („Službeni glasnik BiH“ br. 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“ br. 103/14), članom 18. Uputstva za pripremu modela tenderske dokumentacije i ponuda („Službeni glasnik BiH“ br. 90/14) i članom 14. Pravilnika o javnim nabavkama JP „Autoceste FBiH“ d.o.o. Mostar Komisija dostavlja:

ZAPISNIK O PREGLEDU I OCJENI INICIJALNIH I KONAČNIH PONUDA u pregovaračkom postupku bez objave obavještenja o nabavci

- Naziv i sjedište ugovornog organa:** JP „Autoceste FBiH“ d.o.o. Mostar
- Predmet nabavke:** „Redovno održavanje dizel električnih agregata i UPS uređaja“
- Evidencijski broj nabavke:** 01-01.3-4878-1/15 AZ
- Posebni slučajevi i okolnosti iz čl. 21.-24. Zakona koji opravdava korištenje ovog postupka:** Postupak se provodi u skladu sa članom 21. stav (c) Zakona o javnim nabavkama („Službeni glasnik BiH“ broj: 39/14) u kojem je navedeno da *„kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom dobavljaču“*.
- Datum početka pregleda i ocjene inicijalne ponude:** 15.10.2015. godine.
- Datum slanja poziva na pregovaranje:** Komisija je dana 16.10.2015. godine poslala ponuđaču poziv na pregovore. Pregovori su zakazani za 21.10.2015. godine u 14:30 sati. Zapisnik o pregovorima je u prilogu.
- Datum slanja poziva na izmjenu i/ili dopunu inicijalne ponude ili na dostavu konačne ponude:** Na održanim pregovorima dogovoreno je da ponuđač dostavi konačnu ponudu 22.10.2015. godine do 16:30 sati.
- Naziv i sjedište svih ponuđača, prema redoslijedu zaprimanja inicijalnih ponuda:** „Energoinvest SUE“ d.o.o. Sarajevo, sa ponuđenom cijenom 109.891,78 KM sa uračunatim PDV-om.
- Podatke o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata.
- Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**
Ponuđač je u sklopu inicijalne ponude dostavio:
 - Izjavu o ispunjenosti uslova iz člana 45. Zakona o javnim nabavkama
 - Izjava iz člana 52. Zakona o javnim nabavkama
 - Dokaz o registraciji

Komisija je konstatala da ponuda zadovoljava zadate kriterije i da je Ponuđač kvalificiran za nastavak postupka.

11. Naziv i sjedište ponuđača koji se isključuju te obrazloženje razloga njihovog isključenja: Nije primjenjivo.

12. Analitički prikaz traženih i dostavljenih dokaza tehničke i profesionalne sposobnosti ponuđača: Ponuđač je u sklopu inicijalne ponude dostavio:

- a. dokaz o ekskluzivnom pravu za servisiranje dizel električnih agregata iz proizvodnog programa FG Wilson i UPS uređaja iz proizvodnog programa Eaton i Bening - pismo autorizacije proizvođača ili licenca - kojim proizvođač potvrđuje da je dobavljač ovlašteni, ekskluzivni serviser
- b. Izjavu Ponuđača da u skladištu posjeduje originalne dijelove opreme i uređaja potrebnih za redovno održavanje opreme koja je predmet nabavke (Oprema iz priložene Specifikacije opreme- Aneks 8)
- c. Ovlaštenje za izvođenje radova montaže, održavanja i servisiranja navedne opreme izdano od strane proizvođača navedene opreme

13. Prikaz traženih i dostavljenih garancija za ozbiljnost ponude: Nije tražena garancija.

14. Podatke o pojašnjenju inicijalne i/ili konačne ponude: Nije traženo pojašnjenje.

15. Prikaz valjanosti inicijalne i/ili konačne ponude prema obliku, sadržaju i cjelovitosti:

Ponuda ponuđača je:

- Ovjerena i potpisana
- Ispravno popunjen Aneks 2, Obrazac za dostavljanje ponuda
- Ispravno popunjen Aneks 3, Obrazac za cijenu ponude
- Ispravno popunjen Aneks 6, Izjava o sukobu interesa
- Potpisan Aneks 7, Nacrt Ugovora,
- Parafiran Aneks 8, Tehnička specifikacija

16. Analizu inicijalne i/ili konačne ponude vezano uz ispunjenje zahtjeva u pogledu opisa predmeta nabavke i tehničkih specifikacija: Inicijalna ponuda zadovoljava zahtjev u pogledu opisa predmeta nabavke.

17. Podatke o ispravkama računskih grešaka u inicijalnoj i/ili konačnoj ponudi: Računskih grešaka nije bilo.

18. Naziv i sjedište ponuđača čija inicijalna i/ili konačna ponuda se odbija na osnovu rezultata pregleda i ocjene ponuda te obrazloženje razloga za njihovo odbijanje: Nije primjenjivo

19. Razloge za odbijanje inicijalne i/ili konačne ponude zbog neprirodno niske cijene: Nije primjenjivo.

Pregled i ocjena konačne ponude

20. Datum početka pregleda i ocjene konačnih ponuda: 22.10.2015. god.

21. Analizu prihvatljive konačne ponude prema kriteriju za izbor ponude:

Ponuđač je, na osnovu održanih pregovora, dostavio konačanu ponudu 22.10.2015. godine. Ukupna cijena konačne ponude je: 107.693,95 KM sa uračunatim PDV-om i odobrenim popustom od 2%.

22. Rangiranje prihvatljivih konačnih ponuda prema kriteriju za izbor ponude:

Naziv ponuđača	Cijena bez PDV-a (KM)	Popust 2%	PDV (17%)	Ukupna cijena sa PDV-om i popustom (KM)
1. „Energoinvest – SUE“ d.d. Sarajevo	93.924,60	1.878,49	15.647,84	107.693,95

23. Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor: „Energoinvest – SUE“ d.d. Sarajevo, Tvornička 3, 71000 Sarajevo. Ponuđač je dostavio prihvatljivu ponudu, sa najnižom cijenom.

24. Podatke o dijelu ugovora koji se daje u podugovor i podatke o podizvođaču: Nije primjenjivo.

25. Podatke o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci: Ponuđač – „Energoinvest – SUE“ d.d. Sarajevo, u skladu sa tačkom 7.1.4. tenderske dokumentacije, obavezan je u roku od 5 (pet) dana od dana prijema odluke o dodjeli ugovora dostaviti dokumente kojim dokazuje ispunjavanje uslova iz tenderske dokumentacije.

Dokazi koji se zahtjevaju moraju biti originali ili ovjerene kopije

26. Prijedlog odgovornoj osobi ugovornog organa za donošenje odluke o izboru:

Shodno gore navedenom predlaže se direktoru JP „Autoceste FBiH“ d.o.o. Mostar da za nabavku usluga „Redovno održavanje dizel električnih agregata i UPS uređaja“ donese sljedeću odluku:

Ugovor za nabavku usluga: „Redovno održavanje dizel električnih agregata i UPS uređaja“ u vrijednosti od **107.693,95** KM sa uračunatim PDV-om i odobrenim popustom od 2%, dodjeljuje se ponuđaču „Energoinvest – SUE“ d.d. Sarajevo jer je ponudio prihvatljivu ponudu.

27. Datum završetka postupka pregleda i ocjene konačne ponude: Komisija je završila pregled i ocjenu konačne ponude dana 27.10.2015. godine.

28. Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalne i/ili konačne ponude:

Članovi komisije:

Mirza Resić, predsjednik komisije.....

Lejla Hodžić, član komisije

Tomislav Vladić, član komisije.....

Za sekretara komisije imenovana je Aida Zeba.

Prilozi:

1. Kopija zapisnika o vođenju pregovora



Saglasan:

.....
mr.sc. Ensad Karić, direktor

Broj: 01-01.3-4878-6/15 AZ

Datum: 21.10.2015. godine

ZAPISNIK O PREGOVORIMA

Sastavljen dana 21.10.2015. godine u 14:30 sati u sali JP „Autoceste FBiH“ d.o.o. Mostar, Operativni ured u Sarajevu, Dubrovačka 6, u predmetu: pregovori o tehničkim, ekonomskim, pravnim i drugim aspektima ugovora u pregovaračkom postupku bez objave obavještenja za nabavku usluga: „Redovno održavanje dizel električnih agregata i UPS uređaja“, koji se sprovodi u skladu sa članom 21. stav c) Zakona o javnim nabavkama („Službeni glasnik“ broj 39/14).

Prisutni:

1. Edin Šehović, ovlašteni predstavnik „Energoinvest SUE“ d.d. Sarajevo
2. Mirza Resić, predsjednik komisije,
3. Lejla Hodžić, član komisije,
4. Tomislav Vladić, član komisije
5. Aida Zeba, sekretar komisije

Na osnovu člana 21. tačka c) Zakona o javnim nabavkama („Službeni glasnik BiH“ broj 39/14) direktor JP „Autoceste FBiH“ d.o.o. Mostar pokreće pregovarački postupak bez objave obavještenja o javnoj nabavci usluga: „Redovno održavanje dizel električnih agregata i UPS uređaja“

Kako se u konkretnom slučaju radi o zaštiti ekskluzivnih prava, shodno članu 21. stav c) Zakona o javnim nabavkama, pokreće se pregovarački postupak bez objave obavještenja o javnoj nabavci i vodi sa ponuđačem „Energoinvest SUE“ d.d. Sarajevo, kao ovlaštenim, ekskluzivnim i jedinim zastupnikom i servisnim centrom za program dizel električnih agregata FG Wilson i UPS sistema iz programa Eaton i Bening na području Bosne i Hercegovine.

Shodno naprijed navedenom Poziv za dostavljanje ponude i na pregovaranje upućen je ponuđaču „Energoinvest SUE“ d.d. Sarajevo, a na osnovu Odluke o pokretanju postupka javne nabavke „Redovno održavanje dizel električnih agregata i UPS uređaja“, broj 01-01.3-4878/15 AZ od 23.09.2015. godine.

Ponuđač je uredno dostavio svoju ponudu do roka navedenog u tenderskoj dokumentaciji. Nakon pregleda dostavljene ponude, Komisija za javnu nabavku je konstatala da je priložena sva tražena dokumentacija, te da je Ponuđač kompetentan, pouzdan i sposoban za izvršenje ugovora, uzimajući u obzir uvjete tražene tenderskom dokumentacijom.

Komisija je uputila poziv na pregovore sa ponuđačem dana 16.10.2015. godine. Pregovori su zakazani za 21.10.2015. godine u 14:30 sati. Pregovori se vode o o tehničkim, ekonomskim, pravnim i drugim aspektima ugovora.

1. Pregovori o nabavci usluga „Redovno održavanje dizel električnih agregata i UPS uređaja“ vode se u sali Operativnog ureda Sarajevo, Dubrovačka 6, između Komisije za javnu

nabavku JP „Autoceste Federacije BiH“ d.o.o. Mostar, imenovana prema Rješenju broj: 01-01.3-4878-3/15 AZ od 15.10.2015. godine, i Ponuđača „Energoinvest SUE“ d.d. Sarajevo, koga predstavlja ovlašteni predstavnik Edin Šehović, prema predočenoj punomoći.

2. Predsjednik Komisije Mirza Resić, ukratko je obrazložio razloge za provođenje predmetnog postupka javne nabavke, konstatovao da je Komisija pregledala pristiglu ponudu ponuđača te da ista sadrži sve zahtjevane dokumente iz tenderske dokumentacije. Također, istakao je da se radi o poznatom pružaocu usluga, sa kojim je ugovorni organ već imao uspješnu saradnju, te predložio je da se razgovara o ponuđenoj cijeni, odnosno o mogućnosti odobravanja popusta za pružanje predmetnih usluga.
3. Predstavnik ponuđača Edin Šehović je izrazio zadovoljstvo dosadašnjom uspješnom saradnjom sa ugovornim organom, te istakao je da su spremni, u ime dosadašnje i buduće uspješne saradnje, odobriti popust u iznosu od 2% na ukupnu cijenu ponude.
4. Dogovoreno je da će ponuđač dostaviti konačnu ponudu, dana 22.10.2015. godine do 16:30 sati, na novim obrascima koji su mu uručeni, i to Obrazac za dostavljanje končane ponude, Aneks 2 i Obrazac za konačnu cijenu ponude, Aneks 3.

Edin Šehović, ovlašteni predstavnik ponuđača Edin Šehović
Mirza Resić, predsjednik komisije _____
Lejla Hodžić, član komisije Lejla Hodžić
Tomislav Vladić, član komisije _____
Aida Zeba, sekretar komisije Aida Zeba